

玉

髓

真

經

玉髓真經

青龍論髓第六目錄

駕車龍
飛天龍
脫蛻龍
弓弩龍
開口龍
長短股
交會龍
拍板龍
肥月乳
抱虎龍

作浪龍
生角龍
伏龍
席帽龍
龍虎相值
口向外不見
葫蘆龍
附拍板龍
抱養龍
枕頭龍

乘仙龍
肅天龍
腰帶龍
差義龍
虎抱龍頭
分支龍
膀腫龍
金鷄箭
墮胎龍
破敗龍

節管龍

歇滅龍

露骨龍



青龍論髓第六目錄終

玉髓真經卷第六

青龍論髓

青龍白虎爲天獸扈衛天宮爲左右青龍變化興雲霧白虎威雄去殃咎

此係龍虎形象意義白虎身如龍而頭如虎龍有鱗甲虎有毛彩如龍而長

朱雀居南主陽明南交物化從此成玄武居北治幽陰日月迴轉藏其精

此係玄武朱雀所主靈義朱雀主陽明貴光暢玄武主幽陰貴高厚此論總議

天上龍虎有神靈地下龍虎分五星陽明屬火朱雀位幽陰屬水玄武精皆有五星相配論或有好尅或好生

朱雀欲生我而我欲尅朱雀玄武欲生我而我欲尅玄武

五星傳來入真穴分張龍虎土本形

如來龍是木星變穿出即龍虎是傳水星形也

朱雀或同祖宗出大地別分綿與經

小地就本身起祖處分去作朱雀大地綿絡經緯成隔下十
百里行度來度來應朱雀之位朱雀前朝山水是也

玄武胎息生形象只論逆順尅與生

逆則自穴迎克向後順則自來龍順生入穴以上皆泛論四
獸也

第一先問青龍訣青龍要妙與君說

自此以下皆論青龍

龍貴蜿蜒回顧瞻態度分明不粗拙峰巒雖多自起伏起伏中

間不斷絕活龍血脉有精神死龍儘硬勢偏促

死龍如斷柯如曲尺如削如折出則不雇入則直衝之類是也

活龍有情作人福死龍無情多不睦

主人家道不和睦也

或反或勿或崛強

此指死龍

恰似兇頑性孤獨又如野獸橫勾束任是經年不馴熟縱有條條不爲用招引外邪主禍毒

言死龍無情不爲我用反爲我害或引外邪是指前山有凶與青龍相應

吉凶各有名字傳記認龍名真地仙其一名爲駕車龍昂頭引

其一名爲駕車龍昂頭引頸腹背舉主山即是駕所引不離相
接連此龍此龍多喜面顧主吉多凶以各有偏

自主山分出不斷中間腰背起頭頂低伏而長至頭又昂起
顧穴內此爲駕車之龍但不合頸有凹處穴中要善回避更
看凹尾若是吉方則無害若是凶方則不宜有故云有偏喜
多凶少亦是有凶處在人有活法取之也

其二名爲作浪龍乍起乍伏波浪中身長宛轉却有意旁有低
畚是浪蹤此龍吉凶看頭腦頭回爲吉頭掉凶
言浪中之起伏無害只看龍頭回厓與否也

龍勢繚回家富足龍直頭返家財空散懶頭頸雖言活七分是
吉三分凶頭懶頸直腰宛轉凶多吉少主貧窮
此於一身之中看輕重分吉凶也

其三名爲乘仙龍中腰有峰似仙翁勒轉龍頭額穴內此形大吉爲王公

青龍中間突起一峯如仙人坐龍乘跨之形更得對穴遮蔽而龍頭又回銜有情此最吉生王公大貴人也

其四名爲飛天龍頭角揚揚向上穹那堪頭外起峰秀三箇兩箇相疊重巽前高斜名位大三公台輔由此鍾

言龍直起而其外有秀峰連接貫串則三台公輔由此而生也

其五蒼龍自生角頭外雙尖如峰削狀元兄弟共登名全家富貴皆高爵文章清譽滿乾坤五府功名相締絡

或龍頭上起雙峯或頭外連脉就起雙峯須尖秀方是若低矮員匾亦主貴然名位不至甚高而渭貴不定

其六嘯天龍亦貴首尾回抱頭外起

本身回抱如常而至龍頭則自外而特起一峯者名爲嘯天龍俗師只說謂龍頭向外不爲回抱不知本身既回抱惟有頭外起峯亦須相連則不爲返也是以亦貴

出人科第位升朝不至三公丞相位

官至升朝而已不至丞相

其七好龍名脫蛻主峰即斷絲線尾漸漸高昂到起頭如在蛻中出來勢要看斷處在穴後乳出穴前風不至更看斷處不凶陷定在吉方俱有意

主峯既立即斷青龍不相連屬然不是全然相離如絲如線隱然如龍之尾方自蛻脫中出自是也前去漸高起其凹處要不與乳頭作穴處相對乳穴在前斷處在後而又吉方不

在禁忌方位始吉大抵既

是脫蛻之形真則自然斷處

方是也

此龍貴炁在退卸更看遮欄當地位

尖處必有外山遮欄

遮欄遠近可推尋莫要寒風坐冷氣

外山近為暖外山遠為寒心冷之氣

暖氣隈藏當貴生冷處當風寒賊至

其八低垂號伏龍最忌虎山頭腦窮伏龍主山漸漸落落到龍頭貼地弓此是常形無凶禍只恐虎高面相逢

青龍漸漸低下此是平堂芝之形不足為凶為異只恐白虎頭高而又面相逢值則為虎欺龍為凶也

虎高欺龍人傷死

三山人被虎傷死也

賊害客凶禍重重若是虎低包龍腦富足從容財祿豐

欲虎抱龍不欲龍抱虎仍欲高低相稱也

其九名為席帽龍同阜端員高下蹤形如席帽有肩背或在頭上或腰中後高前低為反衝罷官歸來受彈劾進寸退尺陞無縱

席帽之龍如幞頭而員淨若低者在前即是向前主進祿若低者向後即是退縮主休罷仍被彈劾之象以此占家財亦然也

其十有龍名腰帶旁旁環環抱同內繞出為官便有害更有般得人憎長位婦人赤白帶

帶形之龍若有騰脚在內主長房婦生赤白帶疾

田產多因疾裡退進地退田交相代

蓋此龍不全凶或因好處進田地亦因不好處退田地吉凶相半也

更有帶內有方員帶卽是方要居外方則爲帶印也

此龍卻貴官五馬一字長條是劍佩

一字長條則爲劍佩帶上

有印有劍是公侯此等青龍吉爲最

長者爲劍方者爲印皆須分明脫離而生如絲如線帶定青龍是爲劍卽帶膀則下脫離也此龍最貴

十一名爲弓弩龍主山左畔生橫峯橫峰之前似出箭或有員星如彈弓此龍未便見發貴葬後先須主貧窮貧窮因須書武

藝授校充軍可立功死中求生得官祿子孫漸漸承國封更須
前沙相應副前沙不副終復空

主山之下即於乳傍列橫山如弓弩前向復有箭彈之形主
先貧後富先賤後貴以功立身然亦要前沙山水相爲應副
方得如此前沙更有凶處終只於窮

十二青龍名差戩高山峻嶺崖石多主出兇頑最愚蠢家富徒
豐人不和

主山高而不秀只出狼辟凶頑無識之人雖富亦家道不通
也

十三名爲勝腫龍似病似尸低矮窮家中常有臥床婦長位勞
瘁多困窮

有肩如人倒臥者爲病比肩如人仰臥者爲尸無首無尾兩

頭低而中間高長者或蓋官戶主人傳染勞瘵之病似此皆爲凶山是也

十四青龍自開口招引是非常常有向內多生內亂謗向外多起官災咎若更引長順水飛長子唇舌因逃走若還問口當虎頭虎入門庭咬猪狗牛羊多傷不入欄只爲青龍開口吼

青龍開口若與白虎不相值及穴中不見亦有凶處若啣虎頭及包在虎內或隨水順飛皆不吉口向內主內亂是非向外主官司口舌大抵多是長位受禍應驗

十五名爲龍交會主峰生出兩條帶中間開口不分明恰似龍蛇兩交配此山定位長多淫內外亂聲遭指背

主山之山即於青龍脊上分兩條如此又不似山窻半合半開如龍蛇交會此即爲淫亂之山最爲不吉也

十六名爲葫蘆龍向前向後皆是凶壺口向前財不住壺口向後

多病窮出人賣藥離鄉井單身願作辱祖宗
龍如葫蘆形員崗一高一低而有頭相連又有葫蘆嘴如傾
倒之狀向前主財散如壺中傾瀉不在向後則有瘟疫之疾
又主出人作貧道賣藥飄泊無所居止又主人爲傭雇奴僕
卑賤耻辱家祖蓋凶風來自不好又作此形是以有凶而無
吉

若更凶風在凶位瘟疫死絕屋宇空

凶風在凶方則主子孫絕

十七名爲拍板龍龍腕寬闊指掌衝十掌八指相連水衝
穴水勢雄吞爰多洪少石洪路派出明堂中此穴雖直龍位
被財損口官舌重

青龍者多如龍形蜿蜒完渾方爲吉山若高穴闊遠中間多
有山窻常時流水衝射山既高大春夏土泉脉動必有其害
發泄克破明堂使家不寧財產冷退人亡敗財官司口舌枯
枯下要如拍板然縱有子孫看養不成龍穴雖好不足用也
十八名爲金撻箭脇下生尖射向穴龍虎左右皆不宜走損人
財見光血又招劫賊傷主人更招長位人離別若還水箭名亦
同凶禍與山莫分別

青龍脇下有尖射之山即爲金驚箭虎脇亦然若虎脇有文
其禍尤甚水箭亦凶穴最忌此也

若居左右頭腦員如人肥壯肉高凸似乳不與乳頭齊兩脇停
勾並頭列此山却自不爲凶怕有遷改生假穴

山頭員如乳者亦凶

若還低平如吐舌鼈裙平尖長不絕直看雖員橫看尖名爲時
煎暗衝突家財冷退婦暗身

婦人懷孕死者爲暗身

口舌不離長講說

仍招與常人有是非口舌

十九名爲抱養龍龍頭回抱小員峰長位無兒抱他子若還尖
射更有凶小峰生脚射向穴養兒悖逆不相容殺傷爹娘破家
產打罵喧鬧要歸宗

抱養之峰須員淨有脚尖射即爲凶殺矣

二十名爲墮胎龍員峰小小尾腹中此名墮胎非抱養損胎凶
禍見重重養胎不成仍抱養抱養兒孫尋舊蹤子孫息婦胎盡
損只緣腹尾小小峰

葬體蹤者言抱養子孫代代損胎養子不成無可傳續皆謂
宗舊時蹤跡

二十一名抱虎龍抱定虎頭向穴中多招外賊傷主婦又招猛
虎牲畜空虎頭低突是鎗刀兄弟相殺形最凶


虎頭高而抱在內則主虎傷虎頭尖低而抱在外則主兄弟
殺傷

二十二為枕頭煞龍頭曲入枕乳穴恰似人病手枕頭聲口呻
吟常不絕

此主多出疾病

二十三名破敗龍名為破敗龍不好掘鑿傷形作室竈出人破相
多缺形婦女生兒抱到老

主或兒手足不全或風癱不能行扶抱到老也

二十四名嵌威龍似有似無難認蹤此是來龍氣脉欲欲絕不
絕強勉中若能成穴龍虎絕出人短弱智不聰家道不興多冷
退止緣  穴中

二十五名露骨龍山石磊磊赤更紅或為深黑或紫色草木不
生山是童子孫盡絕不築官屋下不見白頭翁

出人少止子孫絕後

二十六名箇管龍蛇鬼窟穴藏其中家財漏泄盜賊入兒孫衰
盡房戶空

言被蛇兔狐狸穿窟穴以泄地氣脉如箇管處處穿泄無不
完聚也

吉凶名字說不盡可以意曉心自信若論五星倒地相火星每
出多為凶言凶要有逆順勢勾射少吉當細認木金水土皆

參酌名字各有準

雖形屬五分別却與前說同參酌各有準

火星若是生秀曜形象雖凶有要妙自餘四星無悔吝却於中間看逆順

四星雖吉亦看順逆

此須活法藏心竅自無造化徒譏誚

常人心中無造化乃徒形象吉地而已

若見曜星莫輕弃輕弃為高識笑煩君子細為推詳難將一律論腔調

發揮曰地之四獸即天之四獸也青龍白虎朱雀玄武分列十二辰次環經天綱無有欠缺之處蓋列宿所以規黃道之行而四獸所以識方向之義地之四獸規維不同取義無異

亦欲四維八門周匝繚繞如二十八宿之經天也天之四獸則定東西南北之次地之四獸則分左右前後之衛然其實一也在天則角亢氐房心尾箕七宿爲蒼龍主東方寅卯辰是大火折水壽星之次井鬼柳星張翼轸七宿爲朱雀主南方巳午未是爲鶉火鶉尾鶉首之次奎婁胃昂畢觜參七宿爲白虎主西方申酉戌是爲實沈大梁降婁之次斗牛女虛危室壁七宿爲玄武主北方亥子丑爲誼訾玄枵星紀之次在地則有青龍爲左衛名爲青者東方屬木之象也貴高茂蒼鬱乃應東方之氣蜿蜒回環乃得青龍之體白虎爲右翼名爲白者西方屬金之象也貴嚴密整肅乃應西方之炁委曲蟠踞乃得白虎之體朱雀爲前朝以朱名者南方屬火之象也貴光明開暢乃應南方之炁朝挹翔舞乃得朱雀之體

玄武爲後龍主傳入穴以玄名者北方屬水之象也貴深厚藏蔽乃應北方之炁起伏滔湧乃得玄武之體天之四獸有東南西北之定次爲無東西南北之定所二十八宿爲經星隨天旦夕運轉人所見東西南北之次皆非星之定次也故地之四獸雖以東西南北取義而不拘以青龍在東白虎在西朱雀在南玄武在北也地雖北面亦須青龍高茂蒼鬱有東方之炁蜿蜒回環有青龍之體葬云青龍蜿蜒是也白虎嚴密整肅有西方之炁委曲蹢躅有白虎之體葬經云白虎蹢躅是也朱雀光明開暢南方之炁也朝挹翔舞有朱雀之體葬經云朱雀翔舞是也玄武深厚藏蔽有北方之炁起伏滔湧有玄武之體葬經云玄武垂頭降勢受穴是也明暢開亮天光發新如火德之陽明雖北亦猶南也陰晦幽暗如魍

魁之所憑雖南亦猶北也後龍之來標斷閃陟如水德之流行雖南亦猶北也童赭孤露頭縮脚折如病龜敗豔之勢無問東西南北皆非吉也龍虎亦然此如天之運轉不拘於東西南北之向而有東北之義斯爲上吉地也青龍高厚渾全委曲委蛇無以尚之然地之傳變千形萬狀不可拘以一格固有無龍虎之山可指或以田坪或以水岸或遠山十數里之外皆具此形體以大堂局收拾無不畢備以淺狹觀之蕩然無有如此豈復可以常格論惟其地形不用龍勢不可以一槩故秘名之設以記其吉凶禍福之不同可以分輕重而分毫釐非苟云爾

青龍二十六種全吉者不過四種吉凶相半者六種全凶者乃有十六種是吉未及五之一而可吉可凶者已過五之一

全凶者又過五之三也大槩斷折回風一龍吉亦凶吉方之說
未敢深信凡缺處與穴不相值雖云吉一用亦須龍真穴的十
得而一失勢不可舍然後回避用之不可也且山以龍名龍之形
天之二十八宿經絡辰次缺一不可也且山以龍名龍之形
固不可使之斷折若形勢寬中舒展一洞遠則缺折回指在所
不論蓋平洋大地或五六里或數十里或二三十里擺布凶
獸者只多論大堂局大融會不可更以小規模律之今觀龍
之吉者如乘仙飛天半用嘯天自是全美吉凶相半者如駕
車作浪脫蛻伏龍席帽腰帶却有等第作浪伏龍腰帶病懣
差少若地不可舍則墮蓋卑猶可以人力料理駕車脫蛻二
種相類回斷之龍雖不當地位法多主凶子微之論蓋於退
卸絲絲中辨美惡在子微用之則可不精於術者恐或誤世

無寧龍其穴的有虎無龍乃於別生來假合收拾以成堂局此卻無害古今固有此格然假合須是上水若在下水亦無力蓋蓋下水則止可充護衛之職不堪更作本家龍虎也席帽順應禍福不同此等皆易見之理但若中起高峯前後皆有矮峰相連前視之如席帽後視之如席帽者即不謂之席帽不爲凶矣此下十六種皆非吉龍雖如弓弩龍之先凶後吉終改富貴可以尅期取効吾無取焉耳龍六種若是逢大堂局明堂縱橫勾殺濶五六里上者但要無陷山明雖有捐窬不復照應子微蓋指常格以曉世之學者當自心悟不然等爲紙上語耳

五星參酌之說蓋右左雖以龍虎名亦須論傳入是何星辰龍虎既則以別倒地之星多是石火若得其地位不勾不

射自是真曜莫秀於此俗多畏之者正緣術人專用曜炁文字苟於就利不擇凶吉例以曜炁誤世或是刺面自刃賊刀反鎗打劫叛旆等煞日月然化之指爲曜炁它時葬家受禍世人復不曉此但耳聞當來山人是用曜氣既歸罪於此於是懲羹吹竇才見尖曜望而去之吉曜之不幸也況五星莫不有曜特土石之不同耳固有土舌相射恬不之畏終以受禍然猶不悟或歸咎於別項是貴耳賤目不獨物理之過也故青龍如伏龍生角吉凶不等或是曜炁或立或臥又在人用之若收拾不得卽爲刑煞不問土石皆爲凶矣經中所謂木金水土全吉者以不生石尖故矣經特舉其槩不暇詳及然他卷亦可互見金曜亦是石尖木水脚土舌是土吉則皆爲曜凶則皆爲煞全在辨逆順勾射而已仍畏雜亂外此俱

不可收拾取用經所謂自誣造化徒費誦深中世俗之病也

駕車龍



右駕車龍吉多凶少有偏

發揮曰青龍如此形者多生吉然所謂吉者有二焉
 凹斷之處與穴不相值則可若乳不完厚則穿地當
 頭皆不宜有風蓋乳頭完厚則習風不為穴害惟畏

當面兩傍乳頭薄小則骨風亦自還穴故書不可此其一也此龍多喜回頭若平轉頭右則為善善如勾轉頭左則去遠尚可與穴相追是枕頭山矣此其二也有偏者術家分定子位有屬左屬右者今既四斷此位必不吉世固有此說然不必泥大抵四風若非十分佳地不可舍去不必取用可也劉註謂言方四風無害此亦古論予未之敢信也蓋地吉則四風之害小用之亦吉地凶則四風雖在吉方頗何益哉

作浪龍




作浪龍吉凶相半看龍頭回及頸長短腰曲直以辨之

發揮曰作浪者山傍有平畝是水岸脚青龍類起頻
伏如在水中作浪頭額右抱明堂則吉頭及外額欲
去則凶蓋水順流故不宜爾耳飾節起伏則岡亦磊

何傳云無害若頸長則是一節凹落獨潤遠必有凹
風故亦不宜至於腰直懶散則全然無情所以凶也
然獨以頸頸潤為言者潤則西面皆有回曲之意故
潤歸內者潤歸外及腰直者凶也


乘仙龍



右乘仙龍大吉無凶出大貴


發陣曰青龍自主
主龍頭背蛇尾平消本無四
陷之處忽於中腰突起一峰如仙人乘龍之狀則此
峰或與乳穴相當或不相當皆有敵捍之力故吉而
主出大貴若龍首危皆有四陷或如作浪之勢而獨
於惡不平之中獨起一峰則不吉矣所謂生王公非
止有如此青龍便可期望王公之應亦須四大自有
符合而此形特主此應不可主一而足也

飛天龍



右飛天龍大吉無凶主出大貴

發揮曰青龍頭上起峰而峰外連脉起峰一重高出
一重穴中就見二數重秀峰而秀峰之外更有外陽
山水則何可當也上有青龍上三峰亦主出貴此所
謂伸乎探着案若外來之案逼近則雖富亦無足道



右生角龍大吉無凶大富貴文章清秀

發揮曰青龍頭外雙峰如筆雖孩提之童亦知其吉然青龍頭上就起此峰則雖尖秀入雲亦不爲吉謂之龍頭掉刃不生角矣主出人凶猾好訟喜鬪殺傷犯上若其他更有凶山則謀反弑逆之人矣予家藏

先人圖本有張黑鎗祖墳正合此格其人爲父報讐
殺一家八十餘口仍殺一叔逃入西夏侵侮中國特
亦在軍中爲小將校也生角之峰不着龍頭聯脉而
別生出於龍頭之外穴中見之其斯爲貴若倒地尖
曜穴中不見則生着龍頭反爲貴秀之氣此又分眠
之異也

張黑鎗祖墳圖附見于後

余謂生角龍乃尖峰土山龍頭插刀乃石山麓惡若
雙峰聳秀無石朝應皆吉則只當作生角龍斷矣張
黑鎗祖墳乃龍上生石尖聳起與后卷虎頭插刀前
似此其所以凶也

張黑鎗祖圖




右張黑鎗祖墳黑鎗者一村民也少略知書其父爲鄉

中富家所害乃其妻武藝為報讐計常持短黑鎗出入
因以為號年二十一入富家報讐殺八十餘口其叔初
知害父之謀併殺其叔逃入西夏后為小將同侵侮中國
后亦不復知名

發揮曰所言龍頭揮刃之說是矣然張氏之惡要亦
不專在此龍勢飛揚亂如茅葉順水飛走前山賊旆
亦斜倒隨水之城亦復不言宜其殺人離鄉身為夷
鬼是亦憑矣

嘯天龍




其六嘯天龍亦貴首回尾抱頭外起出人科策位至升朝
不至三公丞相位

右嘯天龍吉無凶出貴

發揮曰頭外起者頭之外聯接高起不相離絕如龍
昂頭吟嘯頭鬚若體惟口鼻向天耳故頭內不起而

脫蛻龍

外起有峰形物非特起而穴中望之亦似一圓峰龍頭之上如傍斜登陟之勢如傾如頽此所以言而出貴不能過府至台輔也




其七好龍名脫蛻主峰即斷絲線尾漸漸高昂到起頭如在蛻中出來勢要着斷處穴後乳出斷前風不至若更斷

處不凶陷定在吉方俱有意此龍貴氣在退卸更看遮欄
當地位遮欄遠近可推尋莫要生寒生冷氣暖裏窩藏富
貴生冷處當風寒賊至

石脫蛻龍吉凶相半吉則富貴應

發揮曰子微所取全在退卸奇特然謂吉凶相半者
可吉可凶也有外護凹處不當穴則吉無外護凹處
當穴則凶然此形以子微精於鑒別而用之則可若
世俗皆庸不宜持有此格而輕用之也

伏龍




其八低垂號伏龍最忌虎山頭腦空伏龍主山漸漸落落到龍頭貼地弓此是常形無凶禍只恐虎高面相逢虎高欺龍男傷死賊害客亡禍重重若是虎低抱龍頭富足從容財祿豐

右伏龍吉凶視白虎

發揮曰青龍貴高白虎貴低不然高低相等若虎高

腰帶龍

欺龍則凶惟虎居下水固欲其高然龍極低而虎極昂亦不吉必左右回遜卑高相順則主富厚別有貴星應之而后可貴伏龍自主峰落有循至龍頭蓋漸漸低下徃徃穴前似有似無耳不然何以謂之伏龍伏者藏伏不見之義如此則虎山豈宜更高耶




其九有龍名腰帶穹穹環抱向外不大不小頭尾同帶
膀向後兼在外若透向前兼向內繞出爲官便有害更有
一般得人憎長位婦人赤白帶田產多因病裡退進地退
田交相代更看帶外有方圓印是方圓要居外此龍最貴
官五馬一字長條是劍佩有劍有印是公侯此等青龍吉
爲貴

右腰帶龍可吉可凶

發揮曰可吉可凶者在觀膀之內外也膀向外則吉
如龍山帶鬼之狀向內則凶主婦人帶疾或暗胎病
死亦主貧退所謂帶者自主峰落肩首尾大小皆同
脊平無缺陷穹曲處圓靜乃謂之帶龍身爲帶則鬼
星即當名曰膀在內則自是惡看宜其凶也鬼星宜

弓弩龍

爲弓曲爲魚在外則皆吉內則皆凶方爲印長尖爲
劍劍印尤貴多封公侯然皆取其外而不取其內




其十名爲弓弩龍主山左畔生橫峰橫峰之前似出前或
有圓星如彈弓此龍未便見發福塋后先須主貧窮貧窮
因須習武藝投技充軍可立功死中求生得官祿子孫漸
漸承國封要須前沙相應副前沙不應終復空

右弓弩龍大凶中吉

發揮曰大凶者出于孫習武藝多困窮投校充軍因軍功獲賞出官大凶之中而有吉存焉然此等地形惡恐不止乎先窮困兩尖脚射入明堂亦主自殺黥配充軍亦係刺面然熱不能折免此格雖貧后尅日取效不可用也

席帽龍

吉席帽



反衝席帽




又有名爲席帽龍岡阜端圓高下蹤形如席帽有肩背或在頭上或腰中后高前低名進棹前高后低名反衝罷官歸來受彈劾進寸退尺升無從

右席帽龍吉反則凶反衝席帽出官而凶
發揮曰席帽龍在觀席帽逆順順則帽面向前升進

之象反則帽面而后退休之象此龍本有病癰恐凹
處全凹則雖是順席帽亦復非吉若后人借席帽之
說舉相似而以凹風者爲格則誤世多矣不可不察
之

差我龍




右差我龍富而凶頑

發揮曰差我者高大不秀之狀高大之山上有巨石

貌頑色黧無藏蔽翦翦清秀之氣故主人昏愚冥
頑狼悞凶惡雖富不足道也大抵山貴脆嫩肉地紫
實滋潤則所蔭枯骨亦復如是生出子孫必清秀文
雅發達富貴如山石點岩黧黧乾枯則氣蔭墳中添
及生人皆山之類



開口龍



右開口龍有凶無吉官災口舌應之

發禪曰此皆以穴前見之最惡龍虎相值不爲凶惡
若二者皆開口則爲龍虎相噬此又凶於相值者或
兩股而長短不同或開口向外則庶幾焉若龍在腰
中即分兩支則不在此例



龍虎相值



已上格皆未內亂


石吞虎龍主虎
狼含食豬犬
牲寅官災口舌
虎傷之害小位
當之口舌之災
長位實之

虎抱龍頭




何外

已上三格皆主官災因口舌起



口向外不見



此格亦無
害若短者
向內則凶

長短股




此格庶
幾內短
外長則
凶



此格雖非
吉龍然天
勢吉則無
害也

分支龍




此格龍和
龍和則亦
無害

分支龍




此格凶主
凶亂口舌


分支龍



此格亦無
害



此格吉凶
相半



發揮曰所圖格例凡言吉凶相半者又看四大取應
直指爲凶爲吉者只龍上自裝定吉凶也止言無害
者亦兼取四大室爲定奪吉凶不可主一而廢一也
明堂內經云龍頭若破災主官禍開口向穴婦喜淫劣
兩支長短財物不管頗與此說相合至於諸家之說
紛紜雜亂無所取材術者嗜利故入鄙語以圖自潤
而不知爲後人之害誠可嘆也

太會龍



右交會龍不吉主淫亂

發揮曰山分兩膝去中間或合或開如龍蛇交會主
內外男女淫亂大不吉也

葫蘆龍



右葫蘆龍不吉葫蘆口逆向上主瘟口順向外主貧爲人
傭作及離鄉出井

發揮曰此等青龍視之自是醜惡其應效則經中具
載矣今人傭雇者江以西謂之葫蘆江北人以瘟疫
爲葫蘆病仍賣藥道士必帶葫蘆取義各有所在故
如水口葫蘆多亦出人賣藥在水際則主出人溺水
皆此義也


膀腫龍



右膀腫龍不吉主痼疾

發揮曰膀腫者如病人之腫不甦不活高低浮大形貌惡醜所謂膀腫也主人沉痾癆瘵經連黃腫等疾經中言常有臥床婦者龍虎屬內明堂而自外來包果新婦之象也故龍虎多應婦人明堂內經云龍虎處主峰之下合成明堂如新婦處尊嫜侍傍合治內事以成家務故婦人取驗多關龍虎也膀腫之應乃爲癆瘵蓋只此臥病之狀非所謂膀腫即須腫疾應之也


拍板龍



右拍板龍主破財損口官災是非


發揮曰此龍有凶無吉其應則經言之然有明堂寬闊十里十畝聖者遠出之龍不惟有指亦且有脚既堂局濶遠則入不可以此論矣然拍板之刑亦有二格吉凶不同今附于后

附拍板龍



金鵝箭


發揮曰似疊拍板而無坡窠者不為金鵝箭欲起岡
巒處有凹矣



右金鵝箭大凶主劫賊血光財散人亡


發揮曰不特山爲箭有山領脇深而水直射者亦謂之箭山尖大凶水射不覺而其凶尤甚專主殺人口冷退戶絕不可不察大抵常人之情謹所見而忽所不見術家急於謀利幸其不見不曉而冒爲之遷葬至於禍敗而不誤悲夫

肥月乳



已上二格只係肥乳如人脇肥厚餘肉摺皺故曰肥乳
 此非箭也有之無害短者爲肥乳若長即爲水塔山
 頭圓淨雖不爲箭而塔中之水爲箭矣此固有暗犯
 暗煞而人不識者發揮偶不及此予故再爲明之雅
 宜詳審明堂內經云暗箭之生實傍乳人以乳圓而
 忽之不知禍機之由生內經此語正爲是也諸家文
 字件件備載第覽者忽略過耳


抱養龍



右抱養龍不吉主養外見尖則凶


發揮曰青龍頭抱小峰圓峰向內此主長位抱養他人之子爲嗣若峰頭不圓或抱尖脚或直射向穴或斜射出入則反爲大凶所抱養之兒悖逆不順破其家產也所抱圓峰如生尖脚如直射向穴則所養之兒悖逆父母若更有凶星應之則主弑逆若尖射向穴之脇則內亂殺傷若尖射向外則主殺人或傷人鞭逐黥姓若向外者抱在虎內則殺傷小位人主刺配明堂內經云抱養圓峰兒順如親尖射悖逆凶頑不仁射左傷左射右傷右中心倒射傷及父母正謂此義也

墮胎龍



右墮胎龍凶主損胎養子不成

發揮曰若圓峰在中腕或止連生不脫離止爲抱養
若有絲線帶助脫離主峰方爲墮胎毫釐之別吉凶
之異在乎離不離之間矣





如此只爲抱養



如此爲灌怒

凡此三格尤宜精辨若抱在脇下即主內婦養外男與雷乃淫亂悖逆人倫蒸濁家法也

抱龍



右抱虎龍凶招賊引虎尖則大凶

發揮曰上圖吉格也蓋龍虎相遜宛轉寬舒則爲交互包裹之體故爲吉下圖凶格也虎迫視穴龍抱于外纏束愈緊有外人脇逼內主人之意主強暴入寇淫姦主婦婦不從被賊凶害殞命仍主虎傷牲畜若虎頭更尖又主兄弟相殘之禍上圖固是正體但明堂經云虎當護龍龍不衛穴然此說亦未精蓋虎固當在龍外方爲吉在內則多凶蓋虎性猛而好嗜故不宜在內但青龍若在上水則以抱虎爲凶青龍若在下水則抱虎無害不欲逆水耳亟須明堂寬展斯無凶禍如此方可辨龍虎內外之別也

枕頭龍



石枕頭龍不吉主疾病

發揮曰凡此形象在右則爲推胸在左則爲枕頭主
人家常有疾病呻吟之患以手枕頭而臥之狀明堂
內經云龍頭曲轉直枕乳頭家中常病呻吟悲愁若
頭圓而大亦曰推胸不問左右乞丐之徒又曰若開
指紋指尖穴謂之楔胸身不自謹凶賊入宮是不問
左右皆可言推胸堪胸也畢竟此等形格自是不吉

豈必問爲何等名殺舍之可也惟術人斷人已遷之墳却須知此耳

破敗龍




右破敗龍不吉主生缺唇跛瘰癧駝

發揮曰破敗之龍經入掘鑿作室竈取土燒物枯焦漏泄龍氣斷傷骨脉已爲死龍豈復可用縱乳頭作穴處不魯傷動亦主出人缺形駝癰破相

笛管龍

右笛管龍凶主財散人亡


發揮曰蛇兔窟穴外如笛孔內如竹管言其空也如此則漏泄龍氣矣况蛇兔所藏與人殊途法所不用加之孔竅室虛豈堪遷葬耶



歇滅龍


右歇滅龍不吉家道不振

發揮曰歇滅者龍氣短絕不成山形似有似無惟見茅草荒蕪芟之則與平地無異凡此者遷之則主出人矮小懦弱天折不慧家業冷退門戶蕭條此所謂歇滅也明堂內經云生壯老退落胎息嫩盡絕盡者龍當大盡融結交會而成大地者也絕者盡龍復見



餘氣散爲形穴氣體短促勉強結果不成龍虎或有
或無葬之則絕然則歇滅龍者絕氣也故不堪用

露骨龍



右露骨龍不吉人不壽主絕

發揮曰露骨者山下載土渾然若骨不生草木如無
肉面只露骨者或赤紫色或黧黑色皆不吉主出人
不高壽主子孫三代必絕蓋重山无脉多絕今青龍

是石骨露見故亦生絕也明堂法雖有龍穴草木不生子孫不旺絕其孽萌右山本非童蓋有如紅粉軟翠滋潤如此等石雖無草木無害也蓋赤紫黎黑頑不可鑿乾如火熬濕如汗流草木不生木不植此則與童山之槁等也

玉髓直經

白虎形髓第七目錄

護宮虎

下山虎

上山虎

作威虎

吼山虎

攪地虎

脫胎虎

折腰虎

蹲地虎

刺面虎

同刺面虎

附揚軍七祖父資圖

昂頭虎

啣尾虎

附王少卿祖墳圖

吞龍虎

披頭虎

舞袖虎 七格

吐舌虎

批肩煞 二格

摩肩煞

拭淚虎

水冒虎 四格

虎頭披刃

虎頭華蓋

玉髓直經白虎形髓第七目錄終

玉髓真經

白虎論髓第七

右山名虎意可知虎主威雄形貴低白虎昂頭生凶殺全體高
雄却自宜更要龍山高下稱龍低虎高主傷夷虎抱龍頭終是
吉龍抱虎頭家道惡更看左右上下水順逆難將一槩施

龍抱虎雖不宜若龍在下水則抱亦無害却要虎勢不傷龍
第一名爲護官虎回弓抱外仍回顧纏護天宮禁不祥此是天
上真形處家財豐殖官祿旺正緣形象得其所

白虎本是天宮護衛之獸欲高低得所宛轉回顧抱於龍外
此最得虎形之正其吉可知爲官官非求財財豐人丁旺如
意最惡昂頭開口之形則大不爲吉矣其吉凶所係重於青
龍最宜精別也

第二名爲下山虎身高頭下亦可取曲勢李璣自有情富足豐腴無齟齬

第三名爲出山虎主山高處腰裏去

主山最高卸不半峰分省却平平出去也

當穴週迴不見風自然安隱家財聚

首尾腰腹皆無陷缺方爲吉也

第四名爲作威虎腰曲有高頭勢怒但不高昂望向天前有員

星氣所吐或如氣蝕作平禽

定龍身不暴露

頸勢如怒而不高此是作威之虎其前必有員星或平禽是

威之所吐也泄而成此形也

主出將軍帶印佩或主文臣任兼武

此要看前沙所應如何或是武臣或任兼文武皆可見也

凹風不入財祿豈要識凹風則避處

作威之虎腰必曲穴中當凹避凹處

第五名爲吼山虎白虎品所龍外去穴中不見是吉山穴中若見定無取吼山虎勢亦高維高處還須不欺主出口舌好誹謗出嫁女兒不寧處

虎爲女位故出嫁之女多喜談是非婿家不寧安處小位男子亦好口舌誹謗外人是非招怨答也

長位豐腴得回抱小位錢財多不佳

不合口開向外亦主財不聚也

若還口外更飛揚定有離鄉別井去

飛揚謂虎口飛走遠去即主離鄉井也

第六名爲攫地虎腳爪分張當門戶穴中若見是基露家道不寧相蛇鼠官司疾病作禁符出入行藏俱被害多從小位着証

驗更伯龍山開口觀

穴中不見尚癸終爲穴中若見則凶

第七名爲脫胎虎主山相離斷相穴路開盜賊入家門子孫定有遺歸婦

子孫後代有遺還新婦之証蓋白虎爲客故主盜及遺新婦若還斷處在凶方小位絕嗣財難聚吉方終不旺人丁更看遮欄纏護處

有纏護則吉無纏則斷處雖在吉方亦不善也

第八名爲折腰虎中腰斷却通行路

不必真有行路但言人可過也

四風定向乳頭穴代代兒孫先損母小位人丁仍不旺財產成敗多婦女

女多男少

猛虎驚人折斷腰第三代人出指數

第三代方見此

第九名爲蹲地虎主峰斷却向高去尾下頭高又短促掩捕傷人似虎怒

言形如掩捕虎怒之狀非真爲傷人也

脫胎形長頸地短此形仍開盜賊路小房人丁多夭折第七代人官出武小校聞名復戰傷却有兒孫武官富

出人戰傷之後却有兒孫以得武官而富者也

若居上水是地位若居下水財難聚第十名爲割面虎龍龍射不避路龍虎高小受刺虎伏龍高小房主兄弟仍前定不和持刃相傷聞雄武十一昂頭虎更凶白虎傷主人公家人死亡

士昂頭處更凶白虎傷夫公家人死亡相接續啼哭連綿家不豐

白虎昂頭主人多愁此有說也仍主族厄悲哭家財盡替之象

十二名爲啣屍虎白虎開口向中乳爲官定要取首級爲將定須被擒擄百姓凶頑被人殺虎入家中食其主有財不聚招口舌官司是非來不住

此形最凶具述不盡

十三名爲吞龍虎開口龍頭遍相遇長位先教被虎傷白虎殺神臨門戶

人家疾病不寧必因白虎殺神臨門所致也

官災口舌口相逢牲畜遭殃而人無數

此形最凶當見不吉是虎傷

卞四名爲披頭虎出人頭風多憂愁癰疽膿血生病憊更主瘟黃及咽喉

白虎山頭破碎不全或是掘鑿坑陷皆是

十五名爲舞袖虎虎外拖山如舞袖若還逆水是官星順水出人離鄉去

十六名爲虎頭前裙似簾橫着尖頭如舌長不與虎頭同列言虎頭山旣削下之外又有低坪崗畝別有一舌之形定招疾病與是非

作福救災事不輟若居龍內更生凶主生瘡瘰癧至骨若居龍外不見時亦善出外談唇舌

本家之人出談口舌

十七虎名推胸殺虎頭如推穴前軋或如拳形推向內失計事

多拊膺說

言多憤悶之事失計而拊膺也

若還凹推受風寒之弓推胸名空竭

形穴暴露龍虎凹焦則主貧窮又曰人作乞弓推胸之狀

十八虎名摩心殺低小逼穴似摩碎

如以手摩心胸之形

出人心氣手常摩婦人血氣多有礙

十九虎名拭淚山高與額齊橫過弓如人以手拭眼淚屋下悲
哭不開顏若還逆水主大富若還順水苦艱難

求財艱難之狀

此穴下時有計較或高或下迴避間

上山高則穴高出拭淚之上不然則索性低下各相迴避

二十有虎名爪胸虎生肉爪向穴中大爲暗刃主劫殺小爲暗爪生瘡膿舉家疥癬不出屋長須爬爪血色紅

此言白虎逼近穴前而有爪者

抱養墮胎及破敗歇滅害害蛇鬼怪此等禍福與龍等洪審多生赤白帶最嫌白虎嚙龍腰腰疾常在男女害

白虎橫入龍內者是嚙腰男女皆多腰疾

虎高龍低雖不善上下水來看向背

虎在下水而高則無害高而居於上水則反不善也

虎腰起峰特端正此虎名爲帶華蓋善証終須出貴公帶節出臨鎮邊塞虎如尖射出龍外穴不見時自無害秀氣多生此樣山只恐流隨順水退五星亦復與龍同火星倒燄宜在外木星直上有吉凶且有方偶相匹配


直上尖峰不全吉不全凶頂着在吉方則吉在凶方則凶
若是來龍是火峰子孫定愛如祖宗祖龍生來傳真骨不害尖
秀生王公吉凶不可一槩論自有活法爲折衷

發揮曰古經謂白虎蹲踞要之意義未盡劉注於青龍卷中
註云虎身如龍而頭如虎龍有鱗甲虎有毛彩如虎而長此
說得之故蹲踞之說未盡善若止言蹲踞是世間虎豹之虎
也地之白虎當取委曲蟠踞之義且虎言蹲則頭高而尾低
非形之善者也以地之龍虎言之虎之利害尤重於龍蓋龍
不噬而虎好噬龍不帶殺而虎帶殺小有不合法度即易見
禍患故既葬之後或掘一坑之土一拳之石皆能興禍是虎
之關係尤重於龍也白虎目秘名并抱養隨胎破敗歇滅窠
穴洪帘華蓋凡二十七種全吉者并華蓋不過五種吉凶相

半者亦不過二種全凶者乃二十種是吉者未及五之一可
吉可凶者特十三之一凶者乃五之四也四風不宜用自與
龍同開口者不問在外在內要皆不吉不見者既招是非亦
爲暗殺也推胸摩心拭淚承胸等名何以青龍無此而白虎
獨有之蓋凡此四者皆從右手故在右則爲此殺在左則爲
枕頭等名而已如啣尸吞龍嚙腰皆爲吞啣殺最爲不吉火
曜及他秀氣只宜平出直上者凶多吉少惟白虎果出龍外
而又於白虎之外特起尖峰則主大貴若就虎頭尖上出峰
則縱出文人才士登第至貴亦有大凶此全在脫離連接處
分禍福也員峰石阜亦然子微云自有活法折衷又當知言
外意也

護宮虎


右護宮虎得正體大吉富貴



發揮曰護宮者言得護天宮之正體也踏踏端正不
低不昂不凹不凸不險不惡不尖不射此格最爲壽
善故主富貴利達明堂內經云白虎彎環無石土山
渾如匏瓜員如合環虎肖此形乃得其貞半低半昂
頭高尾藏有缺有陷折腰斷梁虎肖此形凶禍災殃

今所圖正合正格所謂合環者兼龍而言也謂龍虎如以二半環合為一也又云堂內平夷自為局垣一龍一虎如規之員此言龍虎如以規車旋使員也然則龍虎皆以員為上也

下山虎




右下山虎吉主富

發揮曰下山虎者如虎從山而下內見外拒委曲而

出山虎

視漸漸盡勢頭頸卑下者指主峰而言其形非必真如虎但尾彎頭低如下山之勢也體勢既順所以主富貴也紫堂秘訣云白虎下山如斗腕頭視尾高低一半言頭之低視尾之高低一半尺度也




右出山虎吉主富

發揮曰主山聳立木星尖秀乃於半腰復爲眠木平出如虎出於半腰故曰出山虎若其他更有秀峯相應得其地位則不止於富亦見大貴不然亦主大富但遷穴却浪斟酌高下要無回風蓋主峰聳立孤特而虎出於半腰之間者穴法過於虎脉則避風不斷顯然回缺則人壽易見如此平出之山人所不覺也此等龍虎最難定穴首尾均齊高下不殊低則不見前沙高則風無竅必得蓋主峯上停既高人必高遷而不覺有上有風

作威虎

右作威虎主文章富貴

發揮曰作威虎必有虎山平平起岡峦一如前有之高
一如後墩之凸峰中腰有凹處虎頭亦有微微峦阜
象虎作威之勢虎之靈能吐氣如珠或吐氣如燄此
皆作威之應驗蓋或有珠或有燄非必二者俱有主



出將軍方面若龍秀沙貴當出文臣而過此走九格亦
主兵權此特言虎之應也

吼山虎



右吼山虎吉凶相半向外吉向內凶有圖

發揮曰白虎開口本爲凶山全無吉者也向外爲青

攫地虎


龍外穴中不見也向內不問在青龍內外穴中見不見皆凶若向外亦主口舌多屬小位及出嫁女蓋女屬右山故曰出嫁女如更飛揚出人因口舌患有偏者向外雖吉屬小位則不吉若向內而在龍外長位亦不吉蓋虎噬嚙之狀則長位當之也



右攫地虎凶主口舌官司疾病

發揮曰攫地虎者白虎頭石大如虎爪攫地尖銳分
張穴中不見亦凶若更見之凶尤甚焉主家道不寧
口舌官災疾病呪詛內外出人皆不利也雖云屬小
位然合家皆受其禍不可獨損爲小位紫堂秘訣云
白虎生刺如爪似地害及其兄始於其弟舉家不寧
口舌不利官司症空病閉門禍至以此觀之不可全謂
凶在小位也

脫胎虎




右脫胎虎凶多吉少禍在幼婦

發揮曰此與脫胎龍同格而禍福殊然脫胎之龍以退卸而吉者龍無殺故也餘亦不敢以吉取之况虎脫生峰而焦斷其不吉可知矣若凹風射穴中子先受其禍次及幼子若不當穴幼子受禍以及幼婦主

新婦因養子不成離婚蓋龍虎頭屬男尾屬女與
婦明堂經云男女皆在龍虎頭惟有尾後屬新婦要
之此說爲正

折腰虎




右折腰虎不吉主新婦不壽有虎禍

發揮曰此因山勢凹薄遂通行路新婦不得高壽小
位絕則財產歸女三世後有人被虎驚逐折腰此以

氣類之所感召所謂財歸女者或云只是女多男少
內家徒以右屬女位天折無男則主女旺然亦不必如
此泥夫此風射穴白虎折腰皆主不吉及不旺人丁
若以公位論則中公頭亦不能免也明堂內經云路
踏明堂人丁少亡踏龍長害踏虎小當穿風射穴闔
門惴惴以此觀之一言以蔽之曰不吉可也


躡地虎



右蹲地虎不吉損小位招賊

發揮曰此正言如虎之蹲踞頭高尾低不得天虎之形而象凡虎之形此余所以不取葬經蹲踞之說若如此格有凶無吉縱使四維八門城垣周密秀峯森聳出人清貴亦主小位夭折不旺人丁或帶武職仍有虎驚之患如凹風更當穴頭舉家不安寧也此格更居順水又無外山擁蔽雖四大皆吉吾無取焉耳明堂經云虎蟠卧而不驚是爲吉形虎形蹲視昂頭不平禍機中藏又何取乎吉星此說甚當理


刺面虎



右刺面虎主兄弟不和刺右禍輕左禍重

發揮曰刺左刺右凶禍皆然但龍刺虎則是左手龍不帶殺禍差輕於右耳明堂經云尖頭刺面穴中具見在左猶可右即有變言在右則見禍之速也皆主兄弟不和兵刃相殘之象

同刺面虎



發揮曰此古尖刺左之格也凶禍尤甚不惟兄弟相殘又出人點配昭武有楊軍七者其家先世本爲士流父苑其祖正犯此殺苑後乃生楊七楊八年十七入即不相和睦各有室家不和益甚爭財相殺其弟先欲殺兄反爲兄所殺故楊八死而楊七配後反鄉曲凶惡不可近屠牛爲生人呼曰楊軍七未葬之前已生一兄曰楊五秀見二弟鬪很避禍徙居以教村


冀爲生獨免於禍善見非此地所生故爾今因圖其
地形于後

附楊軍七祖父墳圖



發揮曰此龍已不佳而明堂內乃有刺面之山前沙復無好山多洪破頑巖近案如伏獸術者指爲金猫捕鼠麓山洪破者指作倉困言鼠方投倉爲猫所捕故其家遷此地以致此禍豈不謬哉

昂頭虎




右昂頭虎文損人口有虎禍

發揮曰青龍起峯則主富貴白虎昂頭則主凶禍所謂白虎昂頭舉而不憂愁是也明堂外經曰白虎昂

山外口舌官災受罪白虎昂頭向中凶禍先殺主翁
白虎昂頭向龍兄弟殃禍重重此經又云招虎禍則
取氣類之所感耳大凡術家尅應不必件件符合但
有此形則具此証有此証則備此應間或不應非術
之罪也或有吉星救解則禍又輕矣


卸尸虎



右卸尸虎凶損人招虎

發揮曰虎好噬而帶殺開口向穴是謂啣尸其凶可知矣朱雀悲鳴白虎啣尸法主滅族經中正言取首級被擒撈招虎禍者止主啣尸一殺而言不兼諸惡証也今人凡遇此格皆不可用若青龍外包更別有托護却可倒坐作穴靖州王少卿家有祖是此格离山癸向葬後十年生少卿其家發福又二十七年少卿登科任至大理少卿今附圖于後以見穴法之精巧者凶地可轉凶爲吉也


王少卿祖塋圖



發揮曰形穴之凶在人轉禍爲福塋正乳者上一穴
先塋後爲賊所殺其家敗絕下二穴後塋爲僕所殺

吞龍虎

害其家亦敗絕夫來龍非不佳前沙非不秀而凶禍如此及王氏所遷乃於凹處作穴遂享富貴之利何扣去遼絕如此蓋奪造化之巧妙轉禍福之機括全在心法目力也余故附此以傳後世有以見凶地未必不可吉吉地未必不能凶在乎審之而已



右吞龍虎凶主口舌官災死病虎傷

披頭虎

發揮曰大槩好地固有龍虎如犬牙交錯而富貴者蓋索性分爲兩段則無害淺了如開口則凶矣有月龍開口格與此相類可見




右披頭虎不吉主疾病破碎則主癰疽瘟疫

發揮曰一本作披頭虎故劉注總釋之曰凡白虎山頭破碎不全或是掘斃坑陷今得其家傳正本則披

頭者是蓋白虎頭上沙土相雜不植之則不成草芟
之而復長如病人亂髮長短蓬鬆故曰披頭主頭風
等疾苦更推鑿坑陷又主膿血癰疽瘟黃咽喉等疾
故經云破碎則主癰疽毒即咽喉也諸本多誤發揮
之說為正蓋披頭是病之證推鑿是癰疽瘟黃之証
劉註未明


舞袖虎



右舞袖虎可吉可凶以順逆別之

發揮曰此等星紋其一要穴中不見其二要虎在龍外其三要水是逆水若穴中見則為殺順水則主離鄉此格舉其繁形格不一今附于后全見官星論中

舞袖虎



此上三格皆吉第三格明堂口雖開而穴中不見舞袖故亦為吉

以上三格皆不吉禍患輕重雖不同然皆以穴中見其飛揚故皆爲不吉

吐舌虎





右吐舌虎凶主口舌官災在內主癆瘵

發揮曰此與作威虎之吐氣者相類但吐氣者平會開氣酸吐於虎頭或與虎同大故穴中不見則無害吐舌之虎平會亦如舌然在外不見亦主口舌官災若在龍內則凶倍於在外者主癆瘵疲病亦無口

推胸殺

古是非若尖如刀刃主家內骨肉相殘



右推胸殺凶主事多失計及主生乞丐之人


發揮曰推胸殺二格一頭員而肥有柄而焦一連起
小峯有柄推過形雖不同其禍則一皆主凡事失計
憤悶拊膺太息之狀若四大不副凹風焦斷則出乞
丐

摩胸殺

右摩胸殺不吉出婦人血氣疾

發揮曰一名摩心殺白虎橫抱逼近穴頭如人心氣血氣常以手自摩按之狀主婦人應之


拭淚虎



右拭淚虎可吉可凶以逆順決之

發揮曰拭淚者右山高起橫過身而高過穴或只與穴平如人以手袖拭眼淚之狀然可吉可凶者遷穴常有活法若兩眉高渾而又有外陽秀峰則遷穴可高出右山之上外無秀峰可慕而兩眉不高渾則遷穴索性低下如此則不犯拭淚之忌但高下除非乳舌不長若穴出乳頭大長則不若低下除非不犯瘟黃死絕若乳頭短薄則又不宜矣高低之說固有活法然又須看逆順若逆水而穴法善則主富而吉若順水逆去則穴法雖善無益也故曰以逆順決之

爪胸虎




右爪胸虎齒主瘡疥服毒等症

發揮曰白虎頭面額向內而生石尖又逼穴乳健
爪胸殺也主人家常生疥癬日夕爬爪之狀又癰

人懷不意忿悶服毒殞命臨死爬爬受苦之清狀此
虎之凶殺若石尖豎立尖射尤爲不吉在外爲曜在
內爲凶豎立爲殺也


虎頭插刃



此爲石尖豎立之殺乃虎頭插刃與青龍之插刃者同吉
凶若虎過身包在龍外只就虎頭就生石尖穴雖不見石
根只見尖筭秀出亦且不吉若又於虎頭之外聯脉帶過

特起石尖不問穴中見不見皆主大貴此毫釐之異禍福不同也

虎帶華蓋



右華蓋虎大言主貴公主鎮錫鉞帶節

發揮曰白虎起峯起石皆不吉惟此獨吉故載於起石尖之後蓋虎頭之上皆不可起峯起石惟腰間起峯橫底穴乳則主出貴公秉節授鉞出鎮人藩山有兩肩者方謂之蓋獨峯不可謂蓋若在腰而不夾肩

則獨峯亦吉但書氣輕減不如華蓋之穹顯也華蓋之虎不惟穹貴祇主勦名赫奕聲振夷夏明堂內經云穹貴之格白虎生標不出于首而出于腰中峯兩肩華蓋名堯聲誥華夷功著鼎彝生居台輔天子尊之死則配享今古流輝此華蓋之應其吉如是然惟上山則吉若石尖則凶內經又云或出石筭抑空入巽大秀大貴叛逆無君終以誅滅名爲逆臣他無貴應名爲逆民無父無君傷教敗倫此石筭之應其凶如是大抵白虎利害最緊在毫釐分別不可主一而失二固有吉中帶凶不可不致精察白虎宜靜不宜動如行路之類皆當塞之白虎頭上不可造庵舍樓閣術家謂之白虎生角不可鋤鑿藝築術家謂之撼

動虎威只此皆能致人口不安官災口舌重則損人口招斷刺戮辱故發揮謂杯上拳石皆不可動是也住宅左其不宜坎或以真山爲龍虎或以門處左右分龍虎凡左右處不宜置油榨磨羅櫪碓作坊凡擊搏有聲之器如鐘鼓之類皆當別頓也禍患立應屢見有效